

Klonti Chind

Heller Wumest

—

Chum mir boue e Maschine
Wo di mönschleche Gfüehl verbrönnt
De gits ke Liebi aber o ke Hass meh
Drfür hei alli warm u häbe d Frässe

Chum mir boue e Fabrik
Wo z wahre Glück vom Fliessband chunnt
I läri Härze wirds när pumpst
U niemmer fragt meh nachem Sinn

Chum mir boue e grossi Waffe
Mit derä rottä mir alles Böse us
Denn gits nämlech nur no Fride
U alli Mönsche hei sech gärn

Chum mir boue e Apparat
I jedes Hirni wird dä implantiert
Und nach Programm wird när dänkt
Dr frei Wille hets eh nie gö und är isch nur im Wäg gsi

Die Wält isch schlächt
Drum ischs nur rächt
Se schöner z mache
De chöi alli lache